

# TE PŪTĀTARA





# Te Aho Matua

## Te Ira Tangata 1.3

Kia pakeke te tangata, kei a ia anō ona tikanga, māna anō e whakatau ko tēhea te huarahi e hiahia ana ia ki te whai, ōtirā e tika ana mōna. Heoi anō, ahakoa iti, ahakoa rahi kei a ia tēnei. Engari, mehemea i tipu ora tōna katoa, e kore ia e pāheke ki te hē.

*When a child grows, it is up to that person to decide which pathway to walk along, indeed, that which is right for him or her. Great though it may be, small though it may be, the choice is the child's. However the child will not slip into wrong doing if the growth is holistic.*



"Ruia te taitea, Kohia te rangiura"



# TĒNĀ KOUTOU E TE WHĀNAU

Nau mai hoki mai ki to tātou mōheni tuawhā.  
Kei te whārangi pukamatā hoki ētahi pānui.

**pg.3**

**HE KŌRERO NĀ TE TUMUAKI**

**pg.4**

**HE PANUI**

**pg.5-10**

**NGĀ AKOMANGA:**

**KURA NOHINOHI 5**

**KURA TEINA 6**

**HĀKINAKINA TEINA 7**

**KURA WAENGA 8**

**WHAREKURA 9**

**pg. 12**

**HĀKINAKINA WHAREKURA**

**pg.13**

**KAPAHAKA**

Uhi ki mua / cover:  
Piripi Tate (tau 1) wearing  
his impressive mokonui  
costume on Mufti-day.  
Mīharo Piripi!

**MUFTI DAY**

...He  
whakaahua  
anō ki roto...

**PĀIĀ!**



# HE KŌRERO NĀ TE TUMUAKI

Hūrō! Hareruia! kua tae atu tātou ki te mutunga o te tau! He nui ngā mihi ki a tātou katoa. Ki te Poari Matua o tō tātou nei kura ka whakapau kaha ki te whakarite i ngā āhuatanga whakahaere; ki ngā kaiako ka whakapau kaha ki te tautoko i a tātou nei tamariki; ki a tātou nei tamariki e whai ana i ngā tapuwae o kui mā o koro mā me te ako i tō tātou nei reo rangatira; ki te whānau anō hoki e kaha nei ki te tautoko i tō tātou nei kura me tōna anō kaupapa matua, ko Te Aho Matua tērā.

E hika, ka nui te mahi i te wiki nei me te rawe anō hoki o ngā haerenga me ngā mahi i whakaritea e o tātou nei kaiako, me te aha, he whakaharikoā, he whakanui i a tātou tamariki. He rawe anō hoki te mahi a ngā tuākana o te wharekura e tipu haere ana i te motu i tēnei wā. Ka nui te mihi ki a whaea Kiri rāua tahi ko matua Ben me tā rāua tautoko i te kaupapa rā.

Heoi anō e te whānau, kia pai ngā harareri ki te taha o a koutou tamariki, ka kite anō i a rātou, i a koutou anō hoki hei a te 1 o Huitānguru 2021!

Nāku iti nei  
Whaea Pip





# HE PĀNUI

## Activities Week

### Wiki wheako

This will be held next week 7-11 Dec. Each day tamariki will be taking part in various haerenga, please ensure your child is prepared each day, including appropriate clothing, shoes, kai and water. Kura will finish half day on Friday 11th. Kura bus will run as usual but please contact whaea Te Paea if your child will not be at kura during the week.

## Te Haerenga Wharekura 2020

Our three senior wharekura tauira are off on their annual haerenga from the 6th - 13th December. Because of border closures they are travelling Aotearoa to Taranaki, Taupo, Rotorua and Tauranga.

While in Tauranga Maioha will be competing in the National Secondary Schools Athletic Competition, nō reira kia kaha Maioha, ā kia pai hoki o koutou haerenga!

*Keep an eye on the whārangī pukamatā to see what they get up too :)*




**Last day of  
Kura 2020**

**12.30PM, FRIDAY  
11TH DECEMBER**



**SUMMER  
UNIFORM**

We will still be wearing  
summer uniform for  
term 1 2021





# KURA NOHINOHI

Kōrihi te manu tākiri mai te ata, ka ao ka ao ka awatea, Tīhei mauri ora!

Tēnā koutou i o tātou tini mate, koutou kua whetūrangitia ki te korowai o Ranginui, koutou kua wehe atu ki te pō, ki tua o Te Arai, ki te okiokinga o ō tātou tupuna, haere haere haere atu rā. Ki te hunga ora nau mai haere mai ki te wāhanga 4, te tau 2020. Tēnei te mihi mātakui ki a koutou te whānau o te kura.



## Kaupapa mō te Pakirēhua.

*E hara tāku toa i te toa takitahi. Engari he toa takitini.*

Heoi anō, i tēnei o ngā wāhanga, i te wāhanga tuawhā nei, kei te ako ngā tamariki ki te mahi tahi ki ō rātou nā hoa, otirā, ki tō rātou nā kura. I āta tirohia e ngā tamariki ētahi tānga māhere kōwhanga, huri rawa ake, i whai wāhi atu anō hoki ki te hanga ake i ētahi kōwhanga manu.

Ko te kaupapa nui hoki ki tēnei akoranga he whakatū i ētahi kōwhanga hei whakamarumarū mō tētahi whānau manu, mō tētahi uepū manu. E ako ana ngā tamariki i ētahi pūkenga tukanga kōhukihuki, otirā, i ngā pūkenga e tika ana, e hāngai ana ki te whakamahinga o ngā rawa, o ngā hangarau hei whakatū, hei whakarite i ā rātou kōwhanga manu, pēnei i te tūru, i te tēpu, i te moenga, i te kīhini, ki tētahi nohomanga, ā, tae atu rā ki ētahi waka wharuka.

Na Whaea Ana.





# KURA TEINA

Te Aho Matua 5.1:

“Ko ngā āhuatanga ako katoa he mea mahi i roto i te koanga ngakau”

*Assert that teaching and learning*

*be a happy and stimulating experience for students.*

Ngā mihi o te wā kia tātou katoa. Wēhinā!!! Tata mai ana tātou ki ēnei wiki whakamutunga o te tau rua mano rua tekau. Kātahi rā te pukumahi a ngā tamariki o Kura Teina.

PLAY BASED LEARNING:

Waimarie māua ko whaea Kiri i whai wā māua te tirotiro, te arotake i ngā mahi o te ako whiriwhiri o roto i ngā Kura tuatahi, ki ngā kura auraki o Te Wairarapa. Me mihi ka tika ki ngā kura i whakaae mai ngā kura pēnei i a Solway Primary, Fernridge School, Douglas Park me te kura o Paparangi ki Pōneke. Ohore katoa māua ko whaea Kiri i ngā whakaritenga o tēnei momo mahi. He nui ngā mahi o roto i tēnei kaupapa. Heoi anō, koinei te mahi a te Kaiako. Mā tēnei akoranga ka puta te hari me te koa o ngā tamariki ki te ako i ngā mahi o te kura.

PAKIRĒHUA

*Ehara taku toa i te toa takitahi, engari he toa takitini e.*

*My strength is not the strength of one person.*

*It is the strength of many.*

I tēnei wāhanga tuawhā, i tirohia mātou ki te whakatauki “ehara taku toa te toa takitahi, engari he toa takitini.” I rangahau, ōhiomanomano hoki mātou kia mārāma ai te tino tikanga o tēnei whakatauki. Nā o tātou whānau, kura, kaiako, tīpuna, hāpori hoki, e tū rangatira ai tātou katoa!





# PŪRONGO HĀKINAKINA

## MIHIMIHI:

Nei rā te mihi kau atu ana ki ngā tamariki o ia rōpū hākinakina. Nā koutou anō te mahi whakapau kaha, te whakapau werawera. Otirā, te whakapakari tinana hoki. Tū rangatira ai koutou katoa i raro i te maru o Te Kura Kaupapa Māori o Wairarapa, nō reira e mihi ana, e mihi ana.

Ki ngā matua i oho moata ki te haria i o koutou tamariki ki ngā momo hākinakina o te kura, mei kore ake ko koutou, ka kore e tūtuki i te kaupapa nei, ka noho

koutou ki te whakarongo atu ki o tamariki e amuamu ana ia te ata, ia te pō. Ki ngā Matua i whakapau kaha ki te whakahaere i ngā tīma hākinakina. Nā koutou anō

te waka i hoe mō o tātou tamariki. Nō reira tena koutou katoa.

**He waka eke noa! Kia rite te hoe!**

Koinei ngā tīma hākinakina me mihi atu kia tika:



## **POITARAWHITI:**

Rangiātea  
Kura Taika  
Ngā Puawai

## **PŪKURA:**

Pounamu Fitzgerald  
Taliaia Paku  
Te Ariki Davidson  
Jahnay Quinn

## **PĀ WHUTUPŌRO:**

Kura Maia  
Kura Taika  
Kura Wairua  
Kura Taniwha

## **PŌRO TĪ / MOD BALL:**

Kura Taika  
Kura Wairua

## **MAURI ORA KI A TĀTOU KATOA**



# KURA WAENGA



**Wairarapa Photography Competition**

**Ētahi o ngā whakaahua i uru ki roto i ngā whakataetae. E mihi ana ki a Kaiarahi Hikitapua-Martin, i riro i ā ia te "highly recommended Award".**

**Tau kē e tama.**





# WHAREKURA

Tērā te korero o Te Aho Matua, “Kia kua te tamaiti e herea ki te ao kōhatu. Kia wātea hoki ia ki te kapo mai i ngā painga, i ngā māramatanga katoa o te ao whānui”. Koinei ngā mahi o wēnei i kapo i ngā kōrero o te rā nei ki UCOL.

He tunu kai, he mahi kamura, he horoi me te whiri makawe ētahi o ngā mahi. Mīharo ki a ratou te whakarongo me te mahitahi ki ētahi ākonga o ngā kura o te Wairarapa.

Ko te Kaupapa o tēnei haerenga ki a whiwhi wheako hou ngā ākonga, ā, kia kite he aha ētahi o ngā mahi i te wā ka wehe atu ratou ki wahi kē atu whai muri mai i te kura. Nōreira e ngā tauira, tū pakari, tu Rangatira hei raukura mō tō iwi.







# THE OUTLOOK FOR SOMEDAY

Young People + Film + Sustainability

He harikoa, he poho kererū nōku i te pakari o ēnei ākonga tau 7 nō Kura Waenga.

Ko te take o tōku nei harikoa ko te mea, i whakapau werawera, i puku mahi tēnei rōpū ki te whakarite tuhinga kiriata, te kapo me te hangahanga kiriata e pā ana kit e tau rerekē nei e kīi ana ko te tau 2020 Covid19.

I tino aro mātou ki ngā rerekētanga o te noho rāhui ki te kainga me ngā kitenge katoa rerekē o ia ākonga, o ia ākonga ki tōna ake kainga, ki tōna ake ao. I whiwhiria e mātou i tēnei kaupapa hei kaupapa matua mō tō mātou kiriata.

I whakauru atu mātou i tā mātou kiriata ki te whakataetae ā motu e kīia nei ko "The Outlook For Someday" mō ngā kiriata poto o te motu o Aotearoa.

I te wiki tuaono o te wāhanga mutunga nei i whiwhi karere ahau mai i ngā kawhakahaere o te whakataetae nei, e whakamōhio mai ana ki ahau kua whai toa ai tā mātou rōpū kiriata!! Ka mau te wehi!

He mihi mīharo tēnei ki taku tīma hanga kiriata tau 7, ki a Ngahuru Smith, Charlie Casha, Aromea Fox, Maika Taia, Te Aroha Tia Kerr, Raniera Russo-Gregory, rātou ko Parehuia Davidson. Kei whea mai koutou katoa!

"TE AUMANGEA I TE POAUTINITINI"  
(resilience in the face of the unknown)





# TAMAITI ĀKONA KI TE KURA KAUPAPA TŪ ANA KI TE AO...



E kī ana te kōrero "Ko te hōkai nuku, ko te hōkai rangi, ko te hōkai tēnei a tō tipuna, a Tāne-nui-ā-rangi" Tēnei te whakamiha atu nei ki a Maioha, i tīmata i te pūtaketanga o te maunga o tēnei kura, ā, ka piki, ka kake ki tōna aupiki, ki tōna tihi, arā, ki āna tau whakamutunga ki Te Wharekura i tēnei tau. I mau tō ihu ki te one o NCEA, ki te one o Te Kapa Haka, otirā, ki te one o Te Aho Matua, me te aha, i ihu oneone i te otinga iho.

Tērā anō te kōrero e mea ana "Tēnei te tira hou, tēnei haramai nei." Tēnei hoki te whakamānawa atu nei ki a koe, Iraia i tō whanake mai i te kura i Awarua, i te kura kaupapa Māori o Wairarapa. E whakamiha ana i tō ū, i tō pūmau ki ngā tikanga me ngā mātāpono o tēnei kura, o Te Aho Matua anō hoki.

**E kore e ārikarika ngā whakamānawa ki a kōrua tahi. Me te manako ka tau ngā hua nui o te tau, otirā o ngā tau e mahuta ake nei i te pae mō kōrua, mō ngā raukura o tō tātou kura, o Te Kura Kaupapa Māori o Wairarapa. Pēnei i ngā kōrero a Te Aho Matua "Kia tū pakari, tū rangatira ia hei raukura mō tōna iwi." Nō reira, e puta rā kōrua ki te ao mārama, ka hoka tahi ai i te ao.**





# HĀKINAKINA

## KAIPARA



He rangi mokopuna, he rangi mokopuna. Kua whakapau werawera ā tātou tamariki ki ngā whakataetae kaipara. Autaia ngā tamariki katoa. Kua eke hoki ngā taurira tokotoru, a Aromea, Jay-Morris rātou ko Tyreece ki ngā whiringa toa mō te rohe o Te Whanganui-ā-tara. Ehara taku toa i te toa takitahi, engari he toa takitini.



## TE URI Ā TANGAROA

E MIHI ANA KI A TOMMY TRAVERSE

E kaha nei a Tommy ki te whakangungu kaukau me te uru ki ngā whakataetae huri noa i te motu. E whai ake nei he kohinga whakaaro nā Tommy.

1. Ināhea koe tīmata ai te ako ki te kaukau? **I te wā e 9 ōku pakeke**
2. He aha ngā pāinga o te mahi kaukau? **He aronga hobby, me he nui ngā painga mō te tinana, kua whai hoa pai.**
3. He aha te/ngā whāinga kei mua i te aroaro? **Kia whai mētara ki ngā whakataetae ā motu, ā te tau e heke mai nei.**
4. E hia hāora whakangungu ia wiki? **Āhua 11.5 hāora, he kaukau, omaoma, me he korikori tinana ngā mahi.**
5. Ko wai tō tino kaiako?





# Kāpāhaka





# WHAKAAHUA ATAAHUA

